

See discussions, stats, and author profiles for this publication at: <https://www.researchgate.net/publication/338018919>

NAFASI YA MIELEKEO KATIKA UTEUZI WA LUGHA: MFANO WA MATUMIZI YA LUGHA KATIKA MAHUBIRI JIJINI NAIROBI

Research · August 2019

CITATION

1

READS

1,070

3 authors:



Umbima Alex Kevogo

Garissa University

11 PUBLICATIONS 14 CITATIONS

SEE PROFILE



Dr Ayub Mukhwana

University of Nairobi

10 PUBLICATIONS 3 CITATIONS

SEE PROFILE



Jackline Njeri Murimi

Tom Mboya University College

5 PUBLICATIONS 2 CITATIONS

SEE PROFILE

SURA YA KUMI NA MBILI

NAFASI YA MIELEKEO KATIKA UTEUZI WA LUGHA: MFANO WA MATUMIZI YA LUGHA KATIKA MAHUBIRI JIJINI NAIROBI

¹*Alex Umbima Kevogo, ²Ayub Mukhwana na ³Jackline Murimi*

¹*Chuo Kikuu cha Garissa*

²*Chuo Kikuu cha Nairobi*

³*Chuo Kikuu cha Mount Kenya*

Utangulizi

Mielekeo kuhusu lugha ni hisia walizo nazo watu kuhusu lugha yao au kuhusu lugha za watu wengine na ambayo hujengwa kiwakati kutokana na tajriba (Crystal, 1992). Mielekeo ni sehemu muhimu ya maisha ya binadamu kwa sababu takribani kila kitu katika maisha ya binadamu hutegemea mielekeo (Oppenheim, 1966). Kutokana na umuhimu wa mielekeo, nafasi yake katika kueleza umuhimu wa lugha ni kubwa. Hii ni kwa sababu ni kutokana na mielekeo ya wanajamii ambapo umuhimu wa lugha fulani huweza kubainishwa kupitia kwa utafiti (Fasold, 1984).

Dini ni asasi muhimu katika jamii yoyote iwayo ile (Omoniyi, 2006; Fishman, 2006). Mbali na kujenga mahusiano mema miongoni mwa waumini, dini inatekeleza majukumu yasiyomithilika miongoni mwa wanajamii. Kwa hali hii, dhima na dhamana ya asasi hii ya dini ni kubwa mno kwani kila kinachotendeka kanisani kwa jumla huathiri jamii kwa njia moja au nyingine. Hali kama hii inahitaji pawepo njia ya mawasiliano inayoeleweka na kukubalika baina ya mhubiri na muumini. Ili mahubiri yaweze kufuatiliwa na kuathiri waumini vilivyo, mahubiri haya hayana budi kufanyika kwa lugha au msimbo unaoeleweka na kupendelewa na waumini walio wengi.

Sura hii ilibainisha ikiwa mielekeo inachangia uteuzi wa lugha ya kutumia katika mahubiri ya Kikristo jijini Nairobi. Pia ilichanganua matumizi ya lugha katika mahubiri ya Kikristo, hususani jinsi mielekeo ya watumizi wa lugha inavyoathiri uteuzi wao wa lugha katika mahubiri jijini Nairobi. Sura hii ilijaribu kubainisha kwamba popote ambapo mtu huhitajika kuteua kitu kimoja miongoni mwa vingine husaidiwa katika uteuzi huo na imani aliyonayo kuhusu kufaa au kutofaa kwa kitu hicho anachokichagua. Imani hii hutokana na tajriba aliyopata mtu huyo na hukuza mielekeo yake. Mielekeo kama matokeo ya fikra huathiri vitendo vya mtu. Kutokana na hali kuwa Jiji la Nairobi ni jamii lugha ya wingilugha, wahusika huhitajika kuteua na kutumia lugha moja badala ya nyingine. Katiba ya Kenya inatambua Kiswahili na Kiingereza kama lugha rasmi. Lugha hizi ndizo hutumiwa nchini katika mahubiri. Iltarajiwa kuwa Wakenya wangukuwa na mielekeo chanya kuhusu matumizi ya lugha hizo ili kufanikisha sera ya kikatiba kuhusu lugha nchini. Kwa hivyo, lengo kuu la utafiti huu lilikuwa kuchunguza jinsi mielekeo ya watu wa Nairobi ilivyoathiri uteuzi wa lugha katika mahubiri ya Kikristo jijini Nairobi.